

## ЖШС «Дин-Асыл-2» бөбекжай балабақшасы

### 2025-2026оқу жылына арналған ата –аналар жиналысының №2 хаттамасы

26 мамыр 2026жыл  
Кентау қаласы

**Тақырыбы:** «Тәрбие–тал бесіктен»

**Өткізу түрі:** Жалпы ата-аналар жиналысы, баяндама, кеңес беру, пікір алмасу.

**Мақсаты:** Ата-аналар мен балабақша арасындағы ынтымақтастықты нығайту, ата-аналардың бала тәрбиесіндегі жауапкершілігін арттыру, балалардың даму деңгейімен таныстыру және жазғы демалыс кезіндегі қауіпсіздік шаралары туралы ақпарат беру.

**Қатысқандар:** Балабақша меңгерушісі, әдіскер, медицина қызметкері, тәрбиешілер, ата-аналар.

#### **Күнтәртібі**

1. «Тәрбие–тал бесіктен» тақырыбындағы дөңгелек үстел.
2. «Күн тәртібінің бала дамуындағы орны» тақырыбындағы кеңес.
3. «Баламен сөйлесу, көркем шығармаға қызығушылығын қалыптастыру» тақырыбындағы баяндама.
4. 2025-2026 оқу жылы бойынша балалардың даму деңгейінің қорытынды есебі.
5. «Жазғы демалыстың қауіпсіздігін ұйымдастыру» туралы түсіндіру жұмысы.

#### **Тыңдалды:**

##### **Бірінші мәселе бойынша**

Меңгеруші Б.Мусабаева ата-аналарды оқу жылының аяқталуымен құттықтап, жиналыстың мақсатымен міндеттерімен таныстырды. «Тәрбие–тал бесіктен» тақырыбында сөз сөйлеп, бала тәрбиесіндегі отбасының орны ерекше екеніне тоқталды. Баланың тұлғалық қасиеттерінің қалыптасуына ата-ананың өнегесі, мейірімімен қамқорлығы тікелей әсер ететіні айтылды. Ата-аналар өз ойларымен бөлісіп, отбасы тәрбиесіне қатысты пікір алмасты.

##### **Екінші мәселе бойынша**

Тәрбиеші Г.Тульмурзаева «Күн тәртібінің бала дамуындағы орны» тақырыбында кеңес берді. Баланың денсаулығын сақтаумен дұрыс дамуы үшін күн тәртібін сақтаудың маңыздылығы түсіндірілді, себепті болмаса баланы балабақшадан қалдырмауын ата-аналарға түсіндірді. Уақытылы ұйықтау, дұрыс тамақтану, таза ауада серуендеу және белсенді демалыстың бала ағзасына тигізетін пайдасы айтылды.

##### **Үшінші мәселе бойынша**

Д.Абдигалиева баламен күнделікті қарым-қатынас жасаудың маңызы туралы баяндама жасады. Баланың сөздік қорын дамытуда, ойын анық жеткізе білуінде және кітап оқуға қызығушылығын арттыруда ата-ананың рөлі ерекше екені атап өтілді. Балаларға күнделікті ертегі, әңгіме оқып беру және оқылған шығармаларды бірге талқылау ұсынылды.

##### **Төртінші мәселе бойынша**

Ж.Қалдыбек ата-аналарды 2025–2026 оқу жылы бойынша балалардың даму деңгейінің қорытындысымен таныстырды. Балалардың білім беру салалары бойынша меңгерген дағдылары, жетістіктерімен даму көрсеткіштері туралы ақпарат берілді. Әр баланың жеке даму нәтижелері бойынша түсіндірме жұмыстары жүргізілді.

##### **Бесінші мәселе бойынша**

А.Нұртасова ата-аналарға жазғы демалыс кезіндегі қауіпсіздік шаралары туралы түсіндіру жұмыстарын жүргізді. Су айдындарында, көшеде, көлікте және тұрмыстық жағдайда қауіпсіздік ережелерін сақтауға жеттігі айтылды. Балаларды қараусыз қалдырмау және олардың бос уақытын тиімді ұйымдастыру жөнінде ұсыныстар берілді.

### Шешім:

**Шешім:**  
Отбасы мен балабақша арасындағы ынтымақтастықты нығайту және бала тәрбиесінде бірлескен жұмысты жалғастыру.

Балалардың күн тәртібін сақтауға, дұрыс тамақтануына, уақытылы демалуына және денсаулығын нығайтуға жағдай жасау.

Балалардың сөйлеу мәдениетін дамыту мақсатында олармен күнделікті қарым-қатынас жасап, көркем әдебиеттерді тұрақты оқуға көңіл бөлу.

Балалардың оқу жылы барысында қол жеткізген жетістіктерін қолдап, жаз мезгілінде білімдері мен дағдыларын жетілдіру жұмыстарын жалғастыру.

Жазғы демалыс кезеңінде балалардың өмірі мен денсаулығының қауіпсіздігін қамтамасыз ету, жол жүру, судағы және тұрмыстағы қауіпсіздік ережелерін қатаң сақтау.

Қабылданған шешімдердің орындалуын ата-аналар мен тәрбиеші тұрақты бақылауда ұстау

**Төрайымы:**

Б.Мусабаева

**Хатшысы:**

Ж.Қалдыбек

